

Kayuhan Sihat MPSJ-UPM Sabtu ini

KUALA LUMPUR 18 Jun - Majlis Perbandaran Subang Jaya (MPSJ) dengan kerjasama Universiti Putra Malaysia (UPM) akan menganjurkan Program Kayuhan Hidup Sihat MPSJ-UPM 2014 bermula pukul 8 pagi, Sabtu ini.

Timbalan Pengarah Korporat MPSJ, Muhammad Azli Miswan berkata, program itu bertujuan menerapkan gaya hidup sihat dalam kalangan masyarakat, selain meningkatkan hubungan antara orang awam dan pihak MPSJ.

Katanya, program berbentuk santai itu terbahagi kepada kategori keluarga yang melibatkan ibu bapa dan anak-anak berumur tujuh tahun dan ke atas serta kategori individu terbuka bagi yang berumur 15 tahun ke atas dan ahli kelab-kelab basikal.

“Penyertaan adalah percuma dan peserta dikehendaki menggunakan basikal yang mempunyai ciri-ciri keselamatan seperti brek dan topi keledar,” katanya dalam kenyataan di sini, hari ini.

Untuk maklumat lanjut boleh hubungi talian **03-8024 7700** atau **03-8026 4462**.